

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის გია ბერაიას შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	18	20
სამართლებრივი დასაბუთების უნარი და კომპეტენცია	19	20
წერის უნარი	20	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	14	15
აკადემიური მიღწევები და პროფესიული წვრთნა	5	5
პროფესიული აქტივობები	4	5
<b>ქულათა ჯამი</b>	<b>94</b>	<b>100</b>

სახელი, გვარი:

თარიღი:

30/11-2021 წ.



საქართველოს იუსტიციის უმაღლესი საბჭოს წევრი ნიკოლოზ მარსაგიშვილი

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის

გია ბერაიას შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის გია ბერაიას შეფასების დასაბუთების შედგენის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34<sup>1</sup> მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	გია ბერაიას „საერთო სასამართლოების შესახებ“ საქართველოს ორგანული კანონით გათვალისწინებული კეთილსინდისიერების კრიტერიუმით შესაფასებლად, წინამდებარე დასაბუთებაში დეტალურად არის განხილული აღნიშნული კრიტერიუმის თითოეული მახასიათებელი. რა დროსაც, ვიხელმძღვანელებ კანდიდატის შესახებ მოძიებული ინფორმაციითა და საჯარო მოსმენაზე მის მიერ გამოვლენილი
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	

<p>მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს</p>	<input checked="" type="checkbox"/>	<p>თვისებებითა და მახასიათებლებით. ინფორმაციის ანალიზისა და შეჯერების შედეგად, ვინაიდან არ გამოკვეთილა რაიმე გარემოება, რაც ეჭვქვეშ დააყენებდა კანდიდატის კეთილსინდისიერების საკითხს, მივიჩნიე, რომ იგი თითოეული კომპონენტის მიმართ უნდა შეფასდეს დადებითად. შესაბამისად, გავაკეთე დასკვნა, რომ გია ბერაია სრულად აკმაყოფილებს კეთილსინდისიერების კრიტერიუმს.</p>	
<p>მოსამართლეობის კანდიდატის შეფასება კომპეტენტურობის კრიტერიუმის მიხედვით</p>		<p>კომენტარი</p>	
<p>კრიტერიუმი</p>	<p>მიღებული ქულა</p>	<p>მაქსიმალური ქულა</p>	
<p>სამართლის ნორმების ცოდნა</p>	<p>18</p>	<p>20</p>	<p>გია ბერაიას მიერ წარმოდგენილი სამართლებრივი დოკუმენტის<sup>1</sup> შესწავლისა და საჯარო მოსმენის პროცესში მის მიერ გაცემული პასუხების გაანალიზების შედეგად, შესაძლებელია ითქვას, რომ იგი ფლობს მატერიალურ და საპროცესო კანონმდებლობას. აგრეთვე, ეცნობა ადამიანის უფლებათა ევროპული სასამართლოს პრაქტიკას. მნიშვნელოვანია, რომ კანდიდატი სწორად ახდენს სამართლებრივი ნორმების გაანალიზებას, მათი მიზნისა და შინაარსის დადგენას. ამასთან, საჯარო მოსმენაზე, გია ბერაია უმეტესად ამომწურავად პასუხობდა დასმულ შეკითხვებს და საინტერესოდ აანალიზებდა როგორც თეორიულ, ისე პრაქტიკულ საკითხებს.</p>
<p>სამართლებრივი დასაბუთების უნარი და კომპეტენცია</p>	<p>19</p>	<p>20</p>	<p>კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 16-წლიანი</p>

<sup>1</sup> თბილისის სააპელაციო სასამართლოს ადმინისტრაციულ საქმეთა პალატის 2020 წლის 21 ივლისის გადაწყვეტილება, საქმე N38/771-20.

			გამოცდილება. ამასთან, გაა ბერაიას მიერ მიღებული გადაწყვეტილება არის თანმიმდევრული, ლოგიკური და იგი კარგად არის დასაბუთებული ფაქტობრივი და სამართლებრივი თვალსაზრისით. უნდა აღინიშნოს ისიც, რომ საჯარო მოსმენის პროცესში კანდიდატის მიერ ჩამოყალიბებული მოსაზრებები და მსჯელობა ძირითადად იყო დამაჯერებელი.
წერის უნარი	20	20	გია ბერაიას მიერ წარმოდგენილი სამართლებრივი დოკუმენტის შესწავლის საფუძველზე შესაძლებელია ითქვას, რომ იგი გამოირჩევა სათანადო წერის უნარით. კერძოდ, კანდიდატი ზუსტად იყენებს და აანალიზებს სამართლებრივ ნორმებს. მის მიერ მოყვანილი არგუმენტები არის თანმიმდევრული, ნათელი და მკითხველისთვის ადვილად აღსაქმელი.
ზეპირი კომუნიკაციის უნარი	14	15	კანდიდატი არის თავდაჭერილი, თავდაჯერებული და კორექტული. იგი საჯარო მოსმენის მიმდინარეობისას საკუთარ პოზიციას გადმოსცემდა ღიად და თავისუფლად. თუმცა, კანდიდატს ეტყობოდა მცირედი მდელვარება და ზოგჯერ უჭირდა საკუთარი პოზიციის ნათლად და გასაგებად გადმოცემა.
პროფესიული თვისებები, მათ შორის, ქცევა სასამართლო დარბაზში	14	15	გია ბერაია გამოირჩევა შრომისმოყვარეობით, მიზანდასახულობითა და დამოუკიდებელი აზროვნების უნარით. ამასთან, 2018 წლის 1 იანვრიდან - 2020 წლის 1 იანვრამდე პერიოდში, კანდიდატის წარმობაში არსებულ საქმეთა განხილვის სტატისტიკური ინფორმაციის თანახმად, მაღალია მის მიერ საპროცესო ვადების დაცვით განხილულ საქმეთა პროცენტული მაჩვენებელი - 94,3%, თუმცა უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი შეადგენს 71,4%-ს.

აკადემიური მიღწევები და პროფესიული წვრთნა	5	5	კანდიდატს ახალი ცოდნისა და უნარების შეძენის მიზნით, მონაწილეობა აქვს მიღებული რამდენიმე სემინარში.
პროფესიული აქტივობა	4	5	წარმოდგენილი ინფორმაციის თანახმად, გია ბერაიას მონაწილეობა აქვს მიღებული მართლმსაჯულების საკითხებზე გამართულ სხვადასხვა ღონისძიებაში. იგი კითხულობდა ლექციას ახალციხის სახელმწიფო სასწავლო უნივერსიტეტში. თუმცა, გამოქვეყნებული არ აქვს სამართლებრივი პუბლიკაციები.
ქულათა ჯამი	94	100	
დასაბუთება	<p><b>უზენაესი სასამართლოს მოსამართლეობის კანდიდატის შეფასება კეთილსინდისიერების კრიტერიუმის მიხედვით</b></p> <p>საქართველოს იუსტიციის უმაღლესი საბჭოს 2020 წლის 20 ნოემბრის N1/207 განკარგულებით დაიწყო საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი კანდიდატების შესარჩევი პროცედურა. აღნიშნულ პროცედურაში იუსტიციის უმაღლესი საბჭოს 2020 წლის 21 დეკემბრის N1/237 განკარგულებით კანდიდატად დარეგისტრირდა გია ბერაია.</p> <p>„საერთო სასამართლოების შესახებ“ საქართველოს ორგანული კანონის თანახმად, იმის დასადგენად თუ რამდენად აკმაყოფილებს კანდიდატი გია ბერაია კეთილსინდისიერების კრიტერიუმს, წინამდებარე დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის თითოეულ მახასიათებელთან მიმართებით. კერძოდ, პიროვნული კეთილსინდისიერება და პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია; ფინანსური ვალდებულება.</p>		

აღსანიშნავია, რომ კეთილსინდისიერების კრიტერიუმით გია ბერაიას შეფასება დაეყრდნო კანდიდატების შესახებ მოძიებულ ინფორმაციას, რა დროსაც სხვადასხვა უწყებიდან მოხდა მის შესახებ შემდეგი სახის ინფორმაციის გამოთხოვა: საქართველოს შინაგან საქმეთა სამინისტროდან მონაცემები ადმინისტრაციული სამართალდარღვევების შესახებ, სს „კრედიტინფო საქართველოდან“ სრული პერსონალური საკრედიტო ინფორმაცია, საქართველოს ფინანსთა სამინისტროს შემოსავლების სამსახურიდან ცნობა შემოსავლების შესახებ, საჯარო სამსახურის ბიუროდან ქონებრივი მდგომარეობის დეკლარაცია, კანდიდატის სამუშაო ადგილიდან ინფორმაცია დისციპლინური სამართალწარმოების შესახებ, გია ბერაიას დახასიათების მიზნით მასთან სამსახურებრივ და პირად ურთიერთობაში მყოფი პირებისგან შევსებული სპეციალური ფორმის რეკომენდაციები, კითხვარები და სხვ. ამასთან, მნიშვნელოვანია, აღინიშნოს ისიც, რომ გია ბერაიას შეფასებისას გათვალისწინებულ იქნა მის მიერ განაცხადის შევსებისას მითითებული ინფორმაცია და საჯარო მოსმენისას კანდიდატის მხრიდან გამოვლენილი სხვადასხვა თვისებები, მახასიათებლები და სხვ.

*პიროვნული კეთილსინდისიერებისა და პროფესიული სინდისის მახასიათებელი*

კანდიდატი გამოირჩევა პასუხისმგებლობის შესაბამისი შეგნებით და სამსახურებრივ თუ სხვა სახის მოვალეობებს, მათ შორის, ფინანსურ ან სხვა ხასიათის ვალდებულებებს (ქონებრივი დეკლარაციის შევსება, ბანკის ან სხვა ვალის გადახდა და სხვ.) ასრულებს ჯეროვნად. აღსანიშნავია, რომ გია ბერაიას პირად და პროფესიულ თვისებებს რეკომენდატორები და გამოკითხული პირები, რომლებიც კარგად იცნობენ კანდიდატს და მასთან აქვთ სამსახურებრივი თუ პირადი ხასიათის ურთიერთობა, აფასებენ დადებითად. ამასთან, რეკომენდატორები აღნიშნავენ, რომ იგი არის კეთილსინდისიერი, პატიოსანი, თავდაჯერებული და როგორც პროცესის წარმართვისას, ისე თანამშრომლებთან ურთიერთობისას გამოირჩევა კორექტულობით. ეს ყველაფერი კი ცხადყოფს, რომ კანდიდატს სწორად აქვს შეგნებული და გაანალიზებული პირადი და პროფესიული მოვალეობები.

დამოუკიდებლობის, მიუკერძოებლობისა და სამართლიანობის მახასიათებელი

გია ბერაიას გამოკითხული რეკომენდატორები ახასიათებენ როგორც პრინციპულ, დამოუკიდებელ და სამართლიან პიროვნებას. ამასთან, უთითებენ, რომ მას აქვს გადაწყვეტილების დამოუკიდებლად მიღების უნარი, არის პიროვნულად მყარი და შეუვალი. რაც შეეხება, კანდიდატის პოლიტიკურ ან სხვა ნიშნით მიუკერძოებლობის საკითხს, ამასთან დაკავშირებით უნდა აღნიშნოს, რომ კანდიდატი არ ყოფილა პოლიტიკური პარტიის წევრი/მხარდამჭერი, შემომწირველი და საჯარო მოსმენაზეც მისი მხრიდან არ გამოვლენილა პოლიტიკური ან სხვაგვარი მიკერძოებულობის ნიშნები.

პიროვნული და პროფესიული ქცევის მახასიათებელი

გია ბერაია საჯარო მოსმენაზე ზოგად თუ სამართლებრივ საკითხებზე მსჯელობისას საკუთარ პოზიციას გამოხატავდა კორექტულად და მშვიდად. გამოკითხული რეკომენდატორები აღნიშნავენ, რომ კანდიდატი ხასიათდება სიდინჯით, ტაქტიანობითა და საკუთარი ემოციების მართვის უნარით. ამასთან, მოძიებული ინფორმაციის თანახმად, გია ბერაია იცავს სამოსამართლო ეთიკის წესებს, კოლეგებთან თუ სხვა პირებთან ურთიერთობისას არის კორექტული და გამოირჩევა მოსამართლის მაღალი წოდების შესაბამისი ქცევითა და იმიჯით. აღსანიშნავია, რომ კანდიდატის წინააღმდეგ არ დაწყებულა დისციპლინური დევნა და იგი სასამართლოში წარმართულ დავებში მხარედ/დაზარალებულად წარმოდგენილი არ ყოფილა.

პიროვნულ და პროფესიულ რეპუტაციის მახასიათებელი

გია ბერაიას პიროვნულ თვისებებს, ისევე როგორც მის პროფესიულ მიღწევებს რეკომენდატორები და გამოკითხული პირები აფასებენ დადებითად. ამასთან, რეკომენდატორები აღნიშნავენ, რომ იგი გამოირჩევა კარგი საქმიანი და მორალური რეპუტაციით და იურიდიულ წრეებსა და საზოგადოებაში სარგებლობს სათანადო ავტორიტეტით. ამასთან, იუსტიციის უმაღლესი საბჭოს საზოგადოებასთან და

მედიასთან ურთიერთობის მენეჯერის მიერ მოწოდებული ინფორმაციის თანახმად, გია ბერაიას შესახებ ინტერნეტ სივრცეში ძირითადად იძებნება მის მიერ განხილულ საქმეებთან დაკავშირებით გავრცელებული სხვადასხვა სახის ინფორმაცია. იურიდიულ წრეებთან ურთიერთობის ხასიათთან და ხარისხთან დაკავშირებით კი მხოლოდ იმის აღნიშვნა შეიძლება, რომ კანდიდატი აქტიურად იღებს მონაწილეობას მართლმსაჯულების საკითხებზე გამართულ სხვადასხვა ღონისძიებაში.

ფინანსური ვალდებულებების მახასიათებელი

მოძიებული ინფორმაციის თანახმად, გია ბერაიას აქვს დადებითი საკრედიტო ისტორია და მას სახელმწიფო ბიუჯეტის მიმართ დავალიანება არ ერიცხება. ამასთან, იგი მეწარმეთა და არასამეწარმეო იურიდიულ პირთა რეესტრში რეგისტრირებული არ არის. ამრიგად, კანდიდატის ფინანსური ვალდებულებების შემოწმების შედეგად, არ არსებობს მისი ქონებრივი ინტერესების მართლმსაჯულების ინტერესებთან დაპირისპირების საფუძველი, რამაც შესაძლოა შემდგომში საფრთხის ქვეშ დააყენოს მოსამართლის მიუკერძოებლობა.

ზემოაღნიშნულის გათვალისწინებით, დასკვნის სახით, შესაძლებელია ითქვას, რომ ვინაიდან არ გამოკვეთილა ისეთი გარემოება, რაც ეჭვქვეშ დააყენებდა კანდიდატის კეთილსინდისიერების საკითხს, მიმაჩნია, რომ იგი სრულად აკმაყოფილებს აღნიშნულ კრიტერიუმს.

**უზენაესი სასამართლოს მოსამართლეობის კანდიდატის შეფასება კომპეტენტურობის კრიტერიუმის მიხედვით**

„საერთო სასამართლოების შესახებ“ საქართველოს ორგანული კანონის თანახმად, კომპეტენტურობის კრიტერიუმის საფუძველზე გია ბერაიას შეფასებისას მხედველობაში იქნა მიღებული აღნიშნული კრიტერიუმის თითოეული მახასიათებელი. კერძოდ, სამართლებრივი ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა. აღსანიშნავია, რომ



კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ ინფორმაციას, მათ შორის, მის მიერ წარმოდგენილ სამართლებრივ დოკუმენტს და საჯარო მოსმენის შედეგად შექმნილ შთაბეჭდილებას.

*სამართლებრივი ნორმების ცოდნის მახასიათებელი*

იუსტიციის უმაღლესი საბჭოს თითოეული წევრის მიერ კანდიდატების შესახებ მოძიებული ინფორმაციის შესწავლის შემდეგ, 2021 წლის 12 ნოემბერს გაა ბერაიასთან გაიმართა საჯარო მოსმენა.<sup>2</sup> საჯარო მოსმენაზე კანდიდატი იყო თავდაჯერებული, კორექტული და თავდაჭერილი. სხვადასხვა სამართლებრივ საკითხებზე საუბრისას იგი ღიად, თავისუფლად გამოხატავდა საკუთარ შეხედულებებს და საინტერესოდ ანალიზებდა პრობლემურ და აქტუალურ საკითხებს. მის მიერ გაცემული პასუხები უმეტესად იყო კონკრეტული და თანმიმდევრული. ამასთან, დასმული შეკითხვების რელევანტურად თემის ფართოდ და ნათლად განსახილველად იგი მიმოიხილავდა საერთო სასამართლოების პრაქტიკას. თუმცა, რიგ სამართლებრივ საკითხებზე მსჯელობისას კანდიდატს უჭირდა საკუთარი პოზიციის ნათლად და გასაგებად გადმოცემა.

ამასთან, გაა ბერაიას მიერ წარმოდგენილი სამართლებრივი დოკუმენტის შესწავლისა და საჯარო მოსმენის პროცესში კანდიდატის მიერ გაცემული პასუხების გაანალიზების შედეგად, შესაძლებელია ითქვას, რომ იგი ფლობს მატერიალურ და საპროცესო კანონმდებლობას. აგრეთვე, ეცნობა ადამიანის უფლებათა ევროპული სასამართლოს პრაქტიკას. მნიშვნელოვანია, რომ კანდიდატი სწორად ახერხებს სამართლებრივი პრობლემის იდენტიფიცირებას, მათი გადაწყვეტისათვის შესაბამისი ნორმატიული საფუძვლების მოძიებას, განმარტებასა და ადეკვატური დასკვნების გაკეთებას.

გაა ბარაიას მიერ მიღებულ გადაწყვეტილებაში, არსებული ფაქტობრივი გარემოებების გათვალისწინებით, სამართლებრივი ნორმები გამოყენებულია

<sup>2</sup> იხ. გაა ბერაიასთან გამართული საჯარო მოსმენის ვიდეონაწერი: [https://www.youtube.com/watch?v=\\_cdqkQfreCk](https://www.youtube.com/watch?v=_cdqkQfreCk)

მართებულად და თანმიმდევრულად, ამასთან, მის მიერ მოყვანილი არგუმენტები არის ნათელი და არაორაზროვანი. რეკომენდატორების მოსაზრებით, კანდიდატი მაღალ დონეზე ფლობს მატერიალურ და საპროცესო კანონმდებლობას, ასევე, გააჩნია სამართლებრივი საკითხების ჯეროვანი გააზრებისა და სამართლებრივი ნორმების სწორად განმარტების უნარი.

აღსანიშნავია, რომ გია ბერაიას ჩაბარებული აქვს მოსამართლეობის საკვალიფიკაციო გამოცდა (სისხლის სამართლის სპეციალიზაცია).

სამართლებრივი დასაბუთების, კომპეტენციისა და წერის უნარის მახასიათებელი

კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 16-წლიანი გამოცდილება. იგი ამჟამად არის თბილისის სააპელაციო სასამართლოს სამოქალაქო საქმეთა პალატის მოსამართლე. გია ბერაიას წერის უნართან დაკავშირებით კი მის მიერ წარმოდგენილი სამართლებრივი დოკუმენტის შესწავლის საფუძველზე შესაძლებელია აღინიშნოს, რომ კანდიდატი გამოირჩევა სათანადო წერის უნარით. კერძოდ, იგი საინტერესოდ აანალიზებს ფაქტებს, აზრს გადმოსცემს ლოგიკური ჯაჭვის სათანადო დაცვით და მათ სწორ იურიდიულ კვალიფიკაციას ანიჭებს. მის მიერ განვითარებული მსჯელობა არის არგუმენტირებული და დასაბუთებული. ტექსტი აგებულია ცხადი, ნათელი და გამართული ენით. მასში ძირითადად დაცულია მართლწერისა და პუნქტუაციის წესები.

საჯარო მოსმენაზე კანდიდატი სხვადასხვა სამართლებრივ თუ ზოგად საკითხზე მსჯელობისას ძირითადად ახერხებდა საკუთარი პოზიციის დამაჯერებლად გამოცემას. გამოკითხული რეკომენდატორები უთითებენ, რომ კანდიდატი გამოირჩევა ანალიტიკური აზროვნებითა და ნებისმიერი პრობლემური საკითხის არგუმენტირებულად დასაბუთების უნარით, ამასთან, მას შეუძლია თავისუფალი, პრაქტიკისგან განსხვავებული დასაბუთებული გადაწყვეტილების მიღება.

ზეპირი კომუნიკაციის უნარის მახასიათებელი

გია ბერაია საჯარო მოსმენის მიმდინარეობისას საკუთარ პოზიციას გადმოსცემდა ღიად და თავისუფლად. იგი გამოირჩეოდა სხვისი აზრის მოთმინებით მოსმენის უნარით. თუმცა, დასმული შეკითხვების გათვალისწინებით, ზოგიერთ საკითხზე, მის მიერ განვითარებული სამართლებრივი მსჯელობა არ იყო ნათელი და მსმენელისთვის ადვილად აღსაქმელი.

აღსანიშნავია, რომ გამოკითხული რეკომენდატორები კანდიდატის ზეპირი კომუნიკაციის უნარს აფასებენ დადებითად და უთითებენ, რომ მას აქვს ლოგიკური მსჯელობისა და ანალიზის, აზრის გასაგებად გადმოცემის უნარი, ამასთან, იგი გამოხატავს ინტერესს განსხვავებული აზრის მოსასმენად.

პროფესიულ თვისებები, მათ შორის, სასამართლო დარბაზში ქცევის მახასიათებელი

კანდიდატის წარმოებაში არსებულ საქმეთა განხილვის სტატისტიკური ინფორმაციის თანახმად, 2018 წლის 1 იანვრიდან - 2020 წლის 1 იანვრის პერიოდში მაღალია მის მიერ საპროცესო ვადების დაცვით განხილულ საქმეთა პროცენტული მაჩვენებელი - 94,3%, ხოლო უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი კი შეადგენს 71,4%-ს. რაც ცხადყოფს, რომ გია ბერაია არის პროდუქტიული, სწრაფი, შრომისმოყვარე, კარგად ახდენს საქმეთა ნაკადის მართვას და სასამართლო სხდომებს წარმართავს სათანადოდ. კანდიდატთან საქმიან ურთიერთობაში მყოფი პირები გია ბერაიას ახასიათებენ როგორც პუნქტუალურ, შრომისმოყვარე, მიზანდასახულ პიროვნებას, აგრეთვე უთითებენ, რომ მას შეუძლია სტრესულ სიტუაციაში მუშაობა და აქვს კარგი მენეჯერული უნარ-ჩვევები.

აკადემიური მიღწევების, პროფესიული წვრთნისა და პროფესიული აქტივობის მახასიათებელი

გია ბერაია არის ღია სიახლეების მიმართ და აქვს ახალი ცოდნისა და უნარების შეძენის ინტერესი. მას მონაწილეობა აქვს მიღებული მართლმსაჯულების

	<p>საკითხებზე გამართულ სხვადასხვა ღონისძიებაში. ამასთან, კანდიდატის დახასიათებისას ერთ-ერთი რეკომენდატორი უთითებს, რომ იგი სისტემატურად ეცნობა საკანონმდებლო სიახლეებს, სხვადასხვა ტრენინგებსა და სემინარებში მონაწილეობით გამოხატავს მზაობას ახალი ცოდნის შეძენისადმი, ამასთან, გააჩნია ინიციატივის გამოჩენის უნარი და საკვანძო საკითხებთან მიმართებაში შეუძლია იდეებისა და წინადადებების წამოყენება. გია ბარაია კითხულობდა ლექციას ახალციხის სახელმწიფო სასწავლო უნივერსიტეტში. თუმცა, გამოქვეყნებული არ აქვს სამართლებრივი პუბლიკაციები.</p> <p><b>შეჯამება</b></p> <p>ყოველივე ზემოაღნიშნულის გათვალისწინებით, კანდიდატ გია ბერაიასთან დაკავშირებით შესაძლებელია ითქვას, რომ იგი სრულად აკმაყოფილებს კეთილსინდისიერების კრიტერიუმს. ამასთან, კომპეტენტურობის კრიტერიუმის თითოეულ მახასიათებელთან მიმართებით კანდიდატის შეფასებისას გათვალისწინებულ იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. აღნიშნული ინფორმაციის შეჯერებისა და ანალიზის საფუძველზე კანდიდატის მიერ დაგროვილ ქულათა ჯამმა, მაქსიმალური 100 ქულიდან, შეადგინა 94 ქულა.</p>
--	--

სახელი, გვარი: ნიკოლოზ მარსაგიშვილი

ხელმოწერა:

თარიღი:

30/11-2021 წ/ი

